

PRAVILNIK O KUĆNOM REDU

I OPĆE ODREDBE

Član 1.

(Predmet)

Pravilnikom o kućnom redu JU Terapijske zajednice - Kampus Kantona Sarajevo (u daljem tekstu: Pravilnik) utvrđuju se pravila ponašanja u Ustanovi, organizacija života, te se utvrđuju prava, obaveze i odgovornosti korisnika Kampusa od prijema do otpusta korisnika, radnika Kampusa do raskida ugovora o radu i svih ostalih posjetilaca Kampusa.

Član 2.

(Upotreba muškog i ženskog roda)

Izrazi koji se koriste u ovom Pravilniku, a imaju rodno značenje, koriste se neutralno i odnose se jednako na muški i ženski spol.

Član 3.

Ovim Pravilnikom se obezbjeđuje neophodan red i organizacija života u Kampusu, poštivanje ličnosti, održavanje čistoće, mir, ugodan boravak i regulišu se odnosi prema imovini, opremi i objektu Kampusu, radnika i korisnika.

Član 4.

Odredbe ovog Pravilnika obavezujuće su za sve radnike, korisnike, posjetioce i ostala lica, koja, po bilo kojem osnovu, bez obzira na vrijeme, borave u Kampusu.

Član 5.

Prilikom prijema korisnika u Kampus, svaki korisnik potpisuje Terapijski ugovor, a po osnovu rješenja, ugovora sa Centrom za socijalni rad ili drugog akta nadležnog organa. Svaki korisnik i radnik obavezno se upoznaje sa odredbama ovog Pravilnika i dužan je da se u cjelosti pridržava istog.

Član 6.

Posjetioци i druga lica koja ulaze u krug Kampusu, bez obzira na razloge ulaska, dužni su se obratiti-prijaviti radniku na portirnici. Radnik na portirnici je dužan primiti, saslušati, dati potrebna uputstva i usmjeriti posjetioца, te ljubazno i profesionalno izvršiti zadatke u okvirima svoje nadležnosti i u skladu Pravilnikom o procedurama za provođenje tretmana u Javnoj ustanovi Terapijskoj zajednici-Kampus Kantona Sarajevo Sarajevo (u daljem tekstu: Pravilnik o procedurama). Nije dozvoljen ulazak u krug Kampusu osobama koji su u vidno alkoholiziranom stanju i pod uticajem drugih psihoaktivnih supstanci.

Član 7.

Zabranjeno je unošenje i korištenje vatrenog i drugog oružja u krug Kampusu.

Član 8.

Dužnost svakog radnika, korisnika i drugih osoba koje borave u Kampusu je da se savjesno i sa pažnjom odnose prema uređajima, opremi i ostaloj imovini Kampusu.

II ORGANIZACIJA ŽIVOTA I RADA U KAMPUSU

Član 9.

Prostorije dnevnog boravka koriste se u vremenu od 07:00 do 23:00 sata, a korištenje prostorija duže od predviđenog odobrava vođa tima.

Član 10.

Vrijeme ustajanja za sve korisnike je u 07:00 sati radnim danom, a subotom i nedjeljom u 08:00 sati. Vrijeme ustajanja tokom praznika i u drugim specifičnim situacijama određuje vođa tima na smjeni.

Poslije ustajanja korisnici su dužni da uredno pospreme svoje sobe, a ostale aktivnosti predviđene su dnevnim rasporedom korisnika. Svjetlo u spavaonama se gasi u 23:00 sata, osim u izuzetnim situacijama kada odlučuje vođa tima na smjeni (u skladu sa Pravilnikom o procedurama).

Član 11.

Posteljina korisnika se mijenja po potrebi uz odobrenje nadležne osobe. Promjena posteljine vrši se na taj način što svaki korisnik predaje zaprljanu posteljinu na određeno mjesto i u određeno vrijeme.

Član 12.

U ormarima korisnici drže svoje određene neophodne stvari i garderobu koja treba da bude uredno složena i u skladu sa **Listom** dozvoljenih stvari (Pravilnik o procedurama). U ormarima nije dozvoljeno držati hranu i piće. Prilikom prijema korisnika u Kampus vrši se pregled stvari koje je korisnik sa sobom donio, te se oduzimaju stvari koje nisu dozvoljene, kao što su:

- psihoaktivne supstance
- alkohol i kozmetički preparati koji sadrže alkohol
- lijekovi (lijekovi koji se odnose na propisanu terapiju predaju se medicinskom tehničaru)
- oružje
- multimedijalna oprema- mobitel, radio i TV prijemnik, laptop, stick, CD, MP3 player, punjači, baterije i sl.
- hrana, sokovi, slatkiši, grickalice, instant kafa
- nakit, naušnice, pirsing, šminka
- sunčane naočale, ručni sat i sl.
- proteini, suplementi za trening, šejkeri, bočice za vodu za trening i sl.

Sa oduzetim stvarima će se postupiti u skladu sa važećim zakonskim propisima i opštim aktima Kampusu.

Član 13.

Lične stvari korisnika su neprikosnovene i svako upotrebljavanje i pozajmljivanje bez odobrenja vlasnika nije dozvoljeno.

Član 14.

Nije dozvoljeno ležanje u dnevnim boravcima korisnicim, gostima ni uposlenicima.

Član 15.

Gledanje televizije je dozvoljeno u dogovorenim terminima u slobodno vrijeme. U toku radnih aktivnosti televizija je ugašena.

Član 16.

Uposlenicima je dozvoljeno da igraju društvene igre s korisnicima u toku slobodnog vremena. Sami uposlenici u toku radnog dana ne mogu igrati društvene igre.

Član 17.

Korisnicima su tokom tretmana dozvoljene posjete osoba u skladu sa **spiskom** imena osoba za posjetu na portirnici.

Posjete korisnicima su dozvoljene jednom mjesečno i to u terminu organizovane kolektivne porodične terapije. Korisnici izuzetno mogu imati posjete i u ostalim terminima o kojim odlučuje direktor Kampusu.

Prilikom ulaska u Kampus, posjetioci se trebaju obratiti-prijaviti radniku na portirnici koji će ustanoviti da li je osobi dozvoljena posjeta.

Član 18.

Sve pošiljke (stvari, garderoba i sl.) koju budu slati korisnicima usluga bit će obavezno pregledani prije unošenja u Kampus. Sa nedozvoljenim pošiljkama će se postupiti u skladu sa članom 12. ovog Pravilnika.

Član 19.

Ulazak i parkiranje motornih vozila u krug Kampusu je dozvoljeno samo uz odobrenje direktora Kampusu.

Pušenje u Kampusu je dozvoljeno na za to predviđenim mjestima.

Član 20.

Osobe iz člana 3. ovog Pravilnika u Kampusu mogu upražnjavati vjerske obrede, a isti su dužni poštovati obavezu neometanja drugih. Upražnjavanje vjerskih aktivnosti mora biti u skladu sa organizacijom života i rada u Kampusu.

Član 21.

U skladu sa planom tretmana i individualnim potrebama korisnika, biće odobren izlazak izvan Kampusu, ali samo uz odobrenje Stručnog tima za tretman ili dodijeljenog terapeuta, u zavisnosti od situacije.

Svaki korisnik koji bude primljen u Kampus, prvi mjesec tretmana nema pravo izlaska iz Kampusu, niti posjete u Kampusu. Izuzetak su mogu biti korisnici čiji izlazak procijenjuje dodijeljeni terapeut, u krajnjem slučaju Stručni tim za tretman.

III OSNOVNA PRAVILA PONAŠANJA I OBAVEZA U KAMPUSU

Član 22.

Za vrijeme boravka u Kampusu zabranjeno je slijedeće:

- posjedovanje, unošenje i konzumiranje, dijeljenje ili preprodavanje psihoaktivnih supstanci. Jedino se mogu koristiti lijekovi koji su propisani od strane nadležnog ljekara,
- posjedovanje i unošenje vatrenog i hladnog oružja u krug Kampusu,
- agresivno ponašanje prema sebi, te ponašanje kojim se negativno utječe na druge osobe iz okoline,
- otuđivanje i pozajmljivanje tuđe imovine bez odobrenja vlasnika,
- posjedovanje i korištenje tehničkih uređaja (multimedijalnih aparata) od strane korisnika usluga bez odobrenja vođe tima na smjeni ili druge ovlaštene osobe,
- seksualni odnosi,
- unošenje robe i prodaja iste,
- korištenje multimedijalnih uređaja sa namjerom fotografisanja ili snimanja video i audio zapisa bez odobrenja vođe tima na smjeni ili druge ovlaštene osobe,
- samovoljno udaljavanje korisnika usluga iz Kampusu bez dozvole vođe tima na smjeni ili druge ovlaštene osobe,
- diskriminacija po bilo kom osnovu kao što je nacionalna, rasna, vjerska, teritorijalna, spolna, dobna i sl.

Tokom boravka u Kampusu korisnici i radnici se obavezuju na slijedeće:

- aktivno uključivanje u sve aktivnosti koje su predviđene programom Kampusu,
- testiranje na bilo koju vrstu psihoaktivnih supstanci,
- odgovornost za bilo koji oblik materijalne štete koju nanesu na imovini Kampusu, korisnika i radnika i drugih,
- odgovornost za nematerijalnu štetu koju nanesu Kampusu, korisnicima, radnicima i drugim licima,
- razgovaranje o postojećem stanju u Kampusu radi uspostavljanja što uspješnije terapijske atmosfere,
- održavanje lične higijene i čistoće u Kampusu,
- obavljanje svih poslova i zadataka koji su u skladu sa organizacijom života i rada u Kampusu.

IV PRAVA KORISNIKA

Član 23.

Korisnik ima pravo na:

- Adekvatan smještaj, redovnu ishranu, odgovarajuću terapiju, pristup tretmanu, adekvatne i humane usluge bez obzira na religiju, nacionalnost, dob, bračni status, spol, seksualnu orijentaciju itd.
- Posjetu saradnika u tretmanu u skladu sa Terapijskim Ugovorom.
- Posjetu članova uže porodice koji su skladu sa **Spiskom** osoba dozvoljenih za posjetu na portirnici, osim ako nije kontraindicirana sa zdravljem i sigurnošću korisnika.
- Iskazivanje ličnog vjerovanja, vrijednosti i tradicije, ali ta vjerovanja i aktivnosti ne smiju štetiti drugima ili ometati planiran tok aktivnosti.
- Zaštitu od psihičkog, fizičkog i seksualnog zlostavljanja.

V DISCIPLINSKE MJERE

Član 24.

U slučaju da korisnik prekrši pravila i propise predviđene ovim Pravilnikom izriču mu se slijedeće disciplinske mjere:

- Ukidanje pogodnosti
- usmena opomena bez prisustva ostalih korisnika
- ukor - javna opomena pred ostalim korisnicima
- isključenje iz tretmana Kampusu

U slučaju da radnik prekrši pravila i propise predviđene ovim Pravilnikom, postupiće se u skladu sa zakonskim odredbama i drugim aktima koji regulišu ovu oblast.

VI PRELAZNE I ZAVRŠNE ODREDBE

Član 25.

Svaki radnik i korisnik Kampusu dužan je da poštuje i sprovodi odredbe ovog Pravilnika, jer na taj način omogućava normalan život i rad u cijeloj Terapijskoj zajednici.

Odredbe koje nisu regulisane ovim Pravilnikom, a tiču se korisnika biti će regulisane Terapijskim ugovorom i drugim važećim opštim aktima Ustanove.

Odredbe koje nisu regulisane ovim Pravilnikom, a tiču se radnika, biće regulisane važećim zakonskim i podzakonskim propisima, Etičkim kodeksom i drugim važećim opštim aktima Ustanove.

Član 26.

Ovaj Pravilnik stupa na snagu danom usvajanja.

Član 27.

Pravilnik o kućnom redu će biti izložen na vidnom mjestu, dostupan korisnicima, radnicima Kampusu, posjetiocima i dr.

Broj: 35-01-01-155/20

predsjednica Upravnog odbora

Datum: 05.02.2020. godine


Sandra Zaimović





**Pravilnik
o izmjeni i dopuni Pravilnika o kućnom redu**

Član 1.

Na osnovu zaključka Vlade Kantona Sarajevo broj: 13-01/2-04-3007/20 od dana 06.02.2020. godine u Pravilnik o kućnom redu JU Terapijska zajednica – Kampus Kantona Sarajevo broj: 35-01-01-155/20 od dana 05.02.2020. godine dodaje se novi **član 28.** koji glasi:

Kampus će za korisnike u tretmanu uvažavajući Zakon o slobodi vjere i pravnom položaju crkava i vjerskih zajednica u BiH, te poštujući tradicionalne zahtjeve nacionalnih i vjerskih običaja, u dane posta korisnicima koji izraze za tim želju, obezbijediti tekući ili suhi obrok prema tradicionalnim običajima vjere. Organizacija ishrane u vrijeme vjerskih praznika će se uskladiti sa nacionalnim i vjerskim specifičnostima, kao i da će se ispoštovati vjerski propisi, uz uvjet da se ne naruši energetska vrijednost obroka na štetu tih lica.

PREDSJEDNICA UPRAVNOG ODBORA

Sandra Zaimović

Broj: 35-01-01-213/20

13.02.2020. godine